



URED PREDSJEDNIKA I POTPREDSJEDNIKA

Broj: 01-4-03-3-236-7/21

Datum: 29.03.2021. godine

BOSNA I HERCEGOVINA

MINISTARSTVO KOMUNIKACIJA I TRANSPORTA BiH

Trg BiH 1, 71000 Sarajevo

N/r g. Vojin Mitrović, ministar

PREDMET: Donošenje hitne mjere za sprječavanje nelegalnog prijevoza koji se vrši kombi vozilima kapaciteta 8+1 i drugim vozilima u međunarodnom prijevozu putnika,
- *dostavlja se*

Poštovani,

Vanjskotrgovinska komora Bosne i Hercegovine je dana 03.03.2021. godine dostavila Ministarstvu komunikacija i transporta Bosne i Hercegovine „Mišljenje na Nacrt Zakona o izmjenama i dopunama Zakona o međunarodnom i međuentitetskom cestovnom prijevozu“, a kojim je podržala izmjene i dopune navedenog Zakona.

Imajući u vidu da je procedura donošenja zakona izuzetno složena, kompleksna i dugotrajna, to je Odbor Udruženja u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine raspravljao na pomenutu temu, te konstatovao da su se u više navrata obraćali svim relevantnim institucijama u Bosni i Hercegovini, koje su nadležne za međunarodni prijevoz putnika, u cilju sprječavanja nelegalnog prijevoza putnika u međunarodnom prijevozu, ali nažalost bez velikog uspjeha, te da do sada nisu poduzeti nikakvi ili gotovo nikakvi koraci u cilju sprječavanja ove nelegalne pojave, sa obrazloženjem i entitetskih i državnih inspekcija, nadležnih za kontrolu i nadzor prijevoza putnika, da nemaju zakonsku osnovu za preduzimanje bilo kakvih mjera protiv "divljih prijevoznika". Zbog takvog odnosa i ignorisanja pritužbi i prijava članova Udruženja, isti svakodnevno trpe ogromne štete dok se "divlji prijevoznici" bogate, a pored štete koju nanose legalnim prijevoznicima oštećuju i entitetske i državni budžet.

U cilju prevazilaženja ovakve situacije, koja je dodatno pogoršana i pandemijom izazvanom virusom COVID 19, molimo Vas da predložite Vijeću ministara Bosne i Hercegovine da donesu hitnu privremenu mjeru koja će važiti do usvajanja Zakona o izmjenama i dopunama Zakona o međunarodnom i međuentitetskom cestovnom prijevozu, na sljedeći način:

- „Da se obavežu svi organi nadzora u Bosni i Hercegovini (Granična policija BiH, entitetske i državne saobraćajne inspekcije, kantonalne saobraćajne inspekcije, policije entiteta i Brčko Distrikta), da su dužni da spriječe i sankcionišu bilo kakav prijevoz putnika u vozilima (kombi





vozila 8+1, putnička vozila i druga vozila) koja su primijećena u prijevozu putnika kada ustanove sljedeće:

- a) da se vozilom obavlja prijevoz koji po svojim karakteristikama ima sve odlike javnog prijevoza;
 - b) da se prijevoz obavlja istim ili sličnim itinererom, preko graničnog prijelaza više puta u toku mjeseca sa najmanje jednim prelaskom granice u sedmici u odlasku ili dolasku;
 - c) da se prijevoz obavlja istim vozilom sa putnicima koji se ne mogu dovesti u vezu sa prijevozom u nekomercijalne svrhe građana – vozača ili vlasnika vozila i
 - d) da vozač u vozilu ne posjeduje odobrenje za tu vrstu prijevoza.
- Da se pomenutom Odlukom predvidi oduzimanje vozila kojim je vršen nelegalni prijevoz, te da se kontrolni organi koji su utvrdili da postoje i elementi poreske utaje zbog neizdavanja voznih karata obavežu da prekršiće odmah prijave i nadležnim poreskim organima Bosne i Hercegovine i entiteta na dalji postupak.
 - Da Odluka obuhvati i prekršiće koji nelegalni prijevoz obavljaju sa vozilima stranih registarskih tablica te da se u tim slučajevima vozač stranog motornog vozila smatra predstavnikom stranog prijevoznika kada upravlja vozilom u Bosni i Hercegovini.“

Molimo Vas za hitno postupanje po ovom dopisu, u cilju sprječavanja daljeg veoma rasprostranjenog „divljeg prijevoza“ i sprječavanja potpunog gašenja preduzeća koja se bave međunarodnim prijevozom putnika.

S poštovanjem,

PREDSJEDNIK

Ahmet Egrić



Dostavljeno:

- Naslovu,
- a/a.

Co:

- Vijeće ministara Bosne i Hercegovine, Trg BiH 1, 71000 Sarajevo

